



MENNTA- OG
MENNINGARMÁLARÁÐUNEYTIÐ

Sölvhólgötu 4 · 101 Reykjavík
sími: 545 9500 · bréfasími: 562 3068
postur@mrn.is · menntamálaráðuneyti.is

Verkmenntaskólinn á Akureyri
Sigríður Huld Jónsdóttir, skólameistari
Hringteigi 2
600 AKUREYRI

Reykjavík 6. mars 2017
Tilv.: MMR16100069/3.1

Efni: Fjárveitingabréf

Um fjárveitingabréfið

Með tilkomu nýrra laga um opinber fjármál er tilefni til að endurskoða árangursstjórnunarferli/samningaferli mennta- og menningarmálaráðuneytis og ríkisstofnana í heild sinni. Fjárveitingabréf þetta, sem nú er sent stofnunum í fyrsta sinn, er liður í því. Í bréfinu eru tilgreindar fjárveitingar til stofnunarinnar og áherslur sem hafa skal að leiðarljósi í starfsemi ársins.

Í samræmi við lög nr. 123/2015 um opinber fjármál hefur verið mótuð stefna fyrir öll málefnasvið og málaflokka og á grundvelli hennar hafa stofnanir sett sér stefnu til þriggja ára. Fjárveitingabréfinu er ætlað að gefa yfirsýn yfir tengingar milli stefnu málefnasviðs og/eða málaflokks, fjárveitinga til stofnunar sbr. 28. gr. laga um opinber fjármál og áherslna í starfsemi hennar. Gert er ráð fyrir að fjárveitingabréfið verði undirstaða að virku samtali og skýrum samskiptaleiðum sem þjóni hagsmunum beggja aðila.

Mennta- og menningarmálaráðuneytið mun birta bréfið á heimasíðu sinni. Gert er ráð fyrir að stofnunin birti bréfið einnig á heimasíðu sinni.

Efnistöð bréfsins eru eftirfarandi:

1. Markmið og áherslur málefnasviðs og/eða málaflokks
2. Endurgjöf á stefnu til þriggja ára og ársáætlun
3. Fjárveitingar komandi árs til stofnunarinnar
4. Almennar áherslur í ríkisrekstri

1. Markmið og áherslur málefnasviðs og/eða málaflokks

Meginmarkmið stjórnvalda fyrir málefnasviðið framhaldsskólastig er að nemendur verði virkir og ábyrgir borgarar í lýðræðisþjóðfélagi að loknu námi á framhaldsskólastigi. Þeir verði einnig vel undirbúnir undir fræðilegt og starfstengt háskólanám eða til þátttöku í atvinnulífinu, líkt og fram kemur í greinargerð við fjármálaáætlun 2017-2021. Starfsemi stofnunarinnar fellur undir málaflokkinn 20.1, framhaldsskólar. Markmið málaflokksins eru að:

1. *Fleiri nemendur ljúki prófi úr framhaldsskóla á tilskildum tíma*. Stefna ber að því að stærri hluti þjóðarinnar ljúki framhaldsskólanámi og þar með hækka menntunarstig þjóðarinnar. Framhaldsskólakerfið einkennist af hægri námsframvindu nemenda og miklu brotthvarfi. Með því að

endurskipuleggja námstíma í framhaldsskólum og taka aukið tillit til mismunandi þarfa ýmissa nemendahópa er stuðlað að því að fleiri ljúki námi á skilgreindum tíma.

2. *Nemendur í öllum landshlutum hafi aðgengi að fjölbreyttu bók- og starfsnámi sem uppfylli kröfur næsta skólastigs og/eða atvinnulífs.* Mikilvægt er aðgangur nemenda að gæðanámi og fullnægjandi stoðþjónustu sé greiður og nám sé skipulagt með þeim hætti að nemendur geti stundað það því sem næst óháð búsetu.

3. *Nemendum bjóðist heildstætt og markvisst starfsnám.* Efnahags- og framfarastofnunin (OECD) hefur bent á að stjórnvísla, skipulag grunnnáms, útfærsla vinnustaðanáms og framhaldsnám starfsnáms sé óeðlilega flókið og óskýrt. Jafnframt sýna kannanir að þeir sem leggja stund á starfsnám virðast flestir hefja það nám eftir tvítugt. Hlutverk framhaldsskóla er að mennta nemendur þannig að þeir geti tekist á við áframhaldandi nám og störf og öðlist hæfni til að taka þátt í atvinnulífi.

2. Endurgjöf á stefnu til þriggja ára og ársáætlun

Á grundvelli stefna fyrir málefnasvið og markmið málaflokka staðfestir ráðuneytið ársáætlun 2017 og stefnu stofnunarinnar enda hefur verið brugðist við þeim athugasemdum sem gerðar voru við vinnslu stefnunnar. Hún er í samræmi við gildandi stefnu stjórnvalda fyrir það/þau málefnasvið/málaflokka sem við á og innan fjárveitinga til aðila.

3. Fjárveitingar ársins 2017

Eins og fram kemur í fylgiriti með frumvarpi til fjárlaga ársins 2017 eru fjárveitingar stofnunarinnar 1.610,8 m.kr. Gert er ráð fyrir að fjárveiting skiptist með eftirfarandi hætti:

Fjárveiting 2017 (m.kr.)	-T	Laun	Önnur gjöld	Eigna-kaup	Til-færslur	Gjöld	Tekjur	Alls	Framlag úr ríkissjóði
Verkmenntaskólinn á Akureyri		1.300,2	279,3	31,3	0,0	1.610,8	-102,7	1.508,1	1.508,1

Helstu breytingar á fjárveitingu frá fjárlögum 2016 eru:

Breytingar frá fjárlögum 2016	-T	Laun	Önnur gjöld	Eigna-kaup	Til-færslur	Gjöld	Tekjur	Alls	Framlag úr ríkissjóði
Verkmenntaskólinn á Akureyri		98,6	30,6	0,3	0,0	124,5	-12,9	111,6	123,6
Breytt fjármögnun Ríkiskaupa, aukinn afskiptur til stofnana og umvæsluþökkunar rammaáætlunna afnumin		0,0	-0,2	0,0	0,0	-0,2	0,0	-0,2	-0,2
Breytt fjármögnun: aðrar rekstrartekjur ríkisaðila (A-hluta)		0,0	0,0	0,0	0,0	0,0	-12,0	-12,0	0,0
Endurmat á launaforsendum fjárlaga 2015 vegna kjarasamninga og úrskurða kjararáðs, á ársgrundvelli.		31,9	0,0	0,0	0,0	31,9	0,0	31,9	31,9
Framlag skv. reiknilíkani framhaldsskóla		27,9	1,5	0,0	0,0	29,5	0,1	29,6	29,6
Launa-, gengis- og verðlagareikningur á fjárl. frv. 2017		33,8	2,3	0,3	0,0	36,5	-1,0	35,5	35,5
Tímabundið framlag til uppbyggingar innviða og eignakaupa		0,0	23,4	0,0	0,0	23,4	0,0	23,4	23,4
Tímabundið framlag vegna styttingar náms til stúdentsprófs		0,0	3,3	0,0	0,0	3,3	0,0	3,3	3,3
Samtals:		98,6	30,6	0,3	0,0	124,5	-12,9	111,6	123,6

Greiðsluáætlun fyrir fjárveitingu stofnunarinnar sem byggist á staðfestri rekstraráætlun er eins og fram kemur í töflunni hér fyrir neðan.

Jan	Feb	Már	Apr	Mai	Jún	Júl	Ágú	Sep	Ókt	Nóv	Des
8,07%	8,16%	8,10%	8,28%	8,56%	7,92%	8,21%	8,83%	8,78%	8,81%	8,59%	9,59%

4. Almennar áherslur í ríkisrekstri:

Framkvæmd laga um opinber fjármál

Á árinu 2017 verður unnið að frekari innleiðingu laga um opinber fjármál. Mikilvægt er að ríkisaðilar vinni að þeim verkefnum með fjármála- og efnahagsráðuneyti og mennta- og menningarmálaráðuneyti. Forstöðumenn ríkisaðila bera ábyrgð gagnvart ráðherra á að starfsemin skili tilætluðum árangri og að rekstur og afkoma sé í samræmi við fjárveitingar og áætlanir sem samþykktar hafa verið. Þá er mikilvægt að ef veruleg frávik verða frá rekstraráætlun innan rekstrarársins sé ráðuneytinu tilkynnt um það án tafar, ástæður þeirra frávika og hvernig fyrirhugað er að bregðast við þeim. Einnig er lögð áhersla á gerð rekstraráætlana sem sýni ráðstöfun fjárveitinga samkvæmt fylgiriti með frumvarpi til fjárlaga og áætluð útgjöld og tekjur innan ársins. Jafnframt er lögð áhersla á að rekstraráætlun verði endurskoðuð ef breyting verður á fjárveitingu til hlutaðeigandi ríkisaðila eða verkefnis.

Mikilvægt er að bókhald ríkisaðila sé fært með þeim hætti að það gefi rétta mynd af stöðu stofnunar á hverjum tíma. Þá er einnig mikilvægt að haldið sé áfram að þróa mælikvarða sem lagðir eru til grundvallar mati á árangri starfseminnar og haldið sé utan um þróun þeirra með markvissum hætti.

Fyrir hönd ráðherra


Hellen Gunnarsdóttir


Ragnheiður Bóasdóttir

